


Lai Siangtho Mapanna



SABBATH NITAAK

Tu Kaalsung Simding: *Kahla 3:22, 23; 2 Tim. 3:15–17; John 17:17; Eph. 1:13; Late 119:11; 1 Cor. 2:14.*

Kamngah: “Banghang hiam cihleh Pasion thu in nungta in vanglian a, langnih a hiam namsau khatpeuh sangin a hiamzaw hi. Lungsim le kha, guh le tang le guhngekte dong paillet in khen tel a, lungsim ngaihsutna le tupna ngimnate zong a thei’tel hi.” *(Hebrew 4:12, ZSV)*

Lai Siangtho bu, bukhat bek hilo bu tampi zong neikha niteh. Khang tawntung in hih laibu manpha kikhen kikkik, kizuk sim in kikhaam zel hi. Kam nam khempeuh tawh a kumlui pen le a kikhawngpen laibu ahi hi. Lai Siangtho bu a suahtak na’ng in a sihlawh zong om uhhi.

Na Lai Siangtho bu in nangma nuntakna sungah koi ah om hiam? Simzel maw ahik keileh na lupna gei ah koih dak maw, laibu tau tungah vuikai sakmaw? Pasion’ kammal sim manlo liangin na nuntakna manlah mahmah maw? Lai Siangthobu hon ding khawng thadah kei maw?

Pasion’ kammal in nungta in vanglian hi. Pasion in, nang hong hanthawn ding, hong to in hong kheel ding, hong makaih in lam-etna hong pia dingin nang hong sam gige hi.

Lai Siangtho bu cihpen, sang laibu bek thamlo, tangthu kigawm khawpna hilo hi. Piangsakpa in, Amah tawh kinaih theihna dingin ei hong sapna tangthu ciaptehna ahi hi. Pasion tawh nakikhawlhna na khantoh sagnop leh, a hoihipenpen in; thungetna tawh Ama’ kammal sim in Ama’ hong hihna bang ki pum-aapna in hun zatna ahi hi.

* *April 25, Sabbath ading kiginkholhna in tukaal lesson sim in.*

A Thahat pen Galhiam

Lai Siangtho banghang in manpha cih i tawhkhiat ma in, telcian ding khat omlai hi: Satan' hong dona galhiam hoih khat pen Pasion leh Ama' Thu tawh hunla in kikhawlhna hong khawlsakna ahi hi. Satan' galhiam lakpan amasa pen: manlahna, thadahna, tawlana leh lunghianna tawh a Lai Siangtho bu uh hemkhia sak hi. Pasion' Thu sungah hunzatna in eima nunna hong khanglosak, kha nosuaksak ahih manin, tua Satan nasepnate panin hong dalsak zo hi. Ellen G. White in, "Satan' khemna teng hong pulaak khia den Lai Siangtho akitel zawhloh nadingin Satan ahihtheih bangbang hih hi"—Ellen G. White, *The Great Controversy*, p. 593.

A vanglian Pasion' Thu in ama' vang beisak cih Satan in thei gige hi. Thungetna, Lai Siangtho simna le kiniamkhiatna pen Satan dona dingin mihing' zatttheih galhiam hoihpen ahih manin (*Eph. 6:17, 18; Heb. 4:12*), amah'n zong thunget le Lai Siangtho sim khawlhtheih na ding a hanciam hi. Pasion thu in vangnei-a, hi leitung a pian' nadingin a paikhiat (*Late 33:6*) bekthamlo, misi zong thosak (*John 11:41-44*) a, gualzawhna tha zong hongpia (*Matt. 4:1-11*) cih thei gige hi.

Pasion' mite le a Lai Siangtho bu uh Satan in agamla sakna tawh; Pasion le a mite, midangte kikhawlhna suksiatsak thei hi. Kiteenna buahbaang sak, tate khawng haan gawp sak, naseppih le lawmte tung khawngah lungduailo sak hi. Nuntakna in nasep tam a; lungkhamna vangik panin suahtak na'ng zong omlo hi. A pianzia taktak zong ngaihsut ding hun kilazo nawnlo liang hi. Pasion tawh kinai kisakha ding hihang. Ahihhang, Lai Siangtho simlohna nite khate beitoto in, nisim in kithanem semsem ta hi.

Simin, Kahla 3:22, 23. Eima' nuntakzia a sang, a niam in Pasion tawh kikhawlhna zong kip mello hinapi; Pasion kipden cih zong lamdang hi. Hiteng ah na phawkkhak bang om a, mihing' ngeina tawh koi bangin etkaak theih hiam?

Vanmi ukpa Lucifer in, a pukma in (*Ezek. 28:14-17*), Pasion' kammalte in gen zawhloh vanglian cih theigige hi. Tua thumaan mudahta ahih manin, nisim in Pasion kammal zak ding a kisawmlah ciangin, i lungsim hikmeimai in hong lungzing sak hi.

Nisim nangma nundan in khiatna neimello khawng in na omkha hiam? A kiasm bangbang in kikheelna neiding hilecin bangteng na kheel diam?

Lai Siangtho: A Thuneihna

Lai Siangtho' thuneihna le a nasep bulpi pen a laimai khempeuh tungah kipulaak hi. 2 Tim. 3:15-17 sim inla tei in. Lai Siangtho' nasep bulpi teng gelh in.

Mimal in Lai Siangtho i sim ciangin, Pasion deihna tawh a kizawi tawn mello eima' ngiimna lam-etna khatpeuh picin sakna in zat khak loh ding kidawm ni. Gentehna pak in "mitsi in munkhat kaw" cih bang lel zatloh ding hi. Pasion in Ama' kammal tungtawn in tuabang dan in kizop ding a deihna omlo hi. Pasion pen, khau tawh akikhai milimneu, deih bangbang in laamsak theih ding hilo hi. Ama' lampi le ngaihsut nate in eite aa sangin sangzaw tham (*Isa. 55: 9*) ahih manin, eite'n Ama' kammal khawng uk mawkmawk ding hilo hi.

Ei' deihna bangin hong lungnuam sak khawk khatpeuh simpak ding zong hilo hi. A baihtata leh ei tawh a kituakteng peuh simlel in; hong kitona peuhmah nutsiat ding hilo, Lai Siangtho buppi pen pumkhat in saan ding ahi hi. Pasion in eima nunna sungah hong pau ding i deihleh, Lai Siangtho buppi pumkhat in sangin, lammaan tawh sim in, ei' theih zawhloh teng Pasion in hong lahkhaia ding cih muang ding hihang.

Zeisu ngiat in zong, "Na Topa Pasion na lungsim khempeuh, na nuntakna khem-peuh leh na pilna khempeuh tawh na it ding hi" (*Matt. 22:37*) cih. Pasion in, i lungsim koihdak ding deihlo hi. Azai mahmah amuibun Ama' pilna theihna tepen Ama' Thu sung ah hong pulaak ahih manin, tua thute hong hilhnuam hi. Zeisu in mitampi taktawh ana kiho mahbang in; Pasion in zong Enoch, Abraham, Moses le Job cihte tawh a kiholimna Lai Siangtho sungah tampi mah sim kha hihang. Pasion in mihing peuhmah hong koihdak hetlo in, Ama' Thu sungah ki-aap ding; eima' hotkhiat nading ciat "*semkhia*" dingin hong cial hi.

Mihing' lungsim pen *mihing* mah hiphot ihih manin khialhtheihna le khemna kihel lai hi. Tuukmawh ngeilo hi. Eima mimal a ding peuhin Pasion i nawtnawt zong pen, mihing dinmun hiphot cihphot ding hitaleh; eimah Pasion' tungsiah khawng ah le Amah tawh kikim in omna higige hi.

Mihing in Lai Siangtho i vanaih ciangin, tungnun nopna lungsim tawh, zakzaksa vive hi e, thuthak omkei e cih ding hilo hi. Eimah i kimuan laitak, kicing i kisak laitak, Pasion tawh kizopliang kulkei e ci in Pasion tawh kizop ding awlmawhloh laitak, eima' pilna tawh a hilo lo teng peuh ngaihsut laitak in; Lai Siangtho va naih ding kisampha penpen zaw hi.

Lai Siangtho Thumaan

1960 kiimteng in, suakta takin biakna lam kantel mi pawlkhat te' ngiimna bulpi pen, Pasian peuhmah biakna pualam ah hemkhia in laigelh ding ci uhhi. 2017 kum ciang in *Time Magazine* butuamna tungah thulupi in “*Thumaan Sikhin Maw?*” ci in kisuang hi. Tua ngiim napi in tuni a eima mihon dinmun linlian hi cihthu lunglut huailua hi. Tua mite' muhna pen tua “thumaan” in muat in kisiazo cih ahih manin, thumaan i cihcih koi pen hiam cihzong kuamah'n theizo nawnlo ahihna hong pulaak uhhi.

Tulai khangthak ngeina bang hileh, tehna ding ciang zong omlo, sittel theihna ding haksat hunsung ah belhtheih ding bulkip zong omlo hi. Tuathu tawh a kilehbulh in, Zeisu in, “Keimah in thumaan Kahi hi” (*John 14: 6*) cih. Amah in a siangtho a picing thumaan ahihna Ama' Thu mah in teci pang hi.

Anuai-a munthum teng damtak in simsuk inla, a nihveina simkik in. Hih thupuakte tawh kisai na phawkkhak bang om hiam?

John 17:17 _____

Pau. 30:5, 6 _____

Late 12:6 _____

Lai Siangtho in tua thumaan bulpi pen Zeisu ngiat hi a, kikheel ngeilo (*Heb. 13:8*) cih. Tua mahbang in, Pasian' thu sim leng, Amah le Ama' thumaan theihna khangto sak hi. “Thumaan a thukzon mahmahte adingin suangkhuuk om hi”—Ellen G. White, *Testimonies for the Church*, vol. 5, p. 704. Ellen G. White in “thumaan” cihpen Pasian in Ama' Thu sungah hong piak hi cih. Hun beisa a thumaan te zong Lai Siangtho in kitukalh saklo in; tuate siksian zaw ahih manin; khuavak kizon beh thei lai hi.

Simin, 1 Thess. 2:13; Late 33:4, 5; le Eph. 1:13. Bang thupiak om hiam?

A tawpkhakna ah, thumaan hi i cih khempueh abulpi in, Lai Siangtho bekma hi ding hi. Bul dang cih peuhmah pen Pasian' Thu tawh sittel ding hihang. Hi thei ding in i up mawkmawk peuhma Pasian' Thu mah in sittel ding hi.

Mi pawlkhat in thumaan omkei ci uhhi. Tuabang aci mite in a gen masak uh tawh banghang in kitukalh ding hiam? Tangko ding thumaan omkei acici te in, amau thugen maanlo ci in akinial ahi uhhi.

Lai Siangtho in Kipsak

Innkuan sungah, khentatna lian neih ciang, kikhawlhna buaina leh tona khatpeuh a om ciangin Lai Siangtho lam zuan lecin bang kikheelna a omthei diam? Na nasepmun leh pawlpi sunga mite in Lai Siangtho tungtawn in leitung enthei lehuu bangteng hong kikhel tammaw?

Lai Siangtho laikungpute in Lai Siangtho kammalte manphat zia tel mahmah uhhi. Hih Lai Siangthobu zah in laibu dangte in bangmah hong gen theilo hi. Tua kammalte in lai maitang tungah tuang thei mah hiven, nang lungtang sungah koi kepcin thei ding nahiam?

Simin, Late 119:11. David in koi bangin hong hanthawn a, na koici zuih hiam? (Heb. 4:12).

Hebrew 4:12 sungah Lai Siangtho in amah mah akikipsakna om hi. Langnih-hiam namsau in vanglian in hiam ahiihang, Lai Siangtho in mihing' hih zawhlohte mihing' kha sungah hihzo hi. Lai Siangtho in amah a nungta kici hi. Tang kum tulnih lai in kigelh ahiih manin uphuai lophial thei ding hi taleh, Zeisu in "Keima hong gen thute pen nuntakna a hong pia thei khathu ahi hi" (*John 6:63*) cih.

Na lungsim kitam in na nunna puk dektak ahiihle, Pasian in na nunna hopih sak in; na khempeuh hong kheelsak thei hi. Lai Siangtho Lui in zong Pasian' Thu pen teitang in thadah lo, a hunbei cih zong omlo hi (*Isa. 55:11*). Pasian' Thu in ama' nunna huzaap cih a thei David in zong "Hihpen ka thuakna ah keima' kihehnepna hi a, na thuciamna tung ah nuntakna hong pia hi" (*Late 119:50*).

Gilkialluatna, tha bei dongin antanna khawng zong nanei kha ding hi. Tuabang khiih ciangin na ankam zong a limbeek hiam? Khalam pan enleng Lai Siangtho pen kha' an ahi hi. Na kha hawm in a gilkiial ciangin, anungta Thu hong in. Jeremiah 15:16; 1 Peter 2:2; le Matt. 4:4 simin. Pasian' Thu in lungsim a dingin lim a, sim leng zong, kamciam nate tawh hong kidim sak in hong kipsak hi.

Lai Siangtho Thute in Pasian hong piak ngiat ahi hi. Eite leh Amah a zongte a ding in hong puaksuk ahi hi. Thungetna tawh lungsim kongkhak Hongsa in sim peuh leng tua Thute mawksuah hetlo hi.

Lai Siangtho in a gen bang haksatna sungah kitomtom na hiam? Nang a ding in akigen thute zuihna pan banghang in khawl hetlo ding nahi hiam?

Lungtang Dinmun

Pasian' kammal hong thuhilhna bang saantheihna pen (*Job 22:22*)
Lai Siangtho lam zuan i pai laitak lungtang dinmun tungah kinga
hi. **1Cor. 2: 14** in koibang in gencian hiam?

Khalam thu theihna neihna cihpen khalam khuamuhna tel thuthiehna ahi hi. Kha' lungsim kihongte in Lai Siangtho a simnopna tha uhleh; Khalam mah lungsim kikhakbit te Lai Siangtho simnopna tha hong kibang hetlo ding hi. Lai Siangtho khawng haivai a saluate in Lai Siangtho laimai tunga thumaan zong hetlo ding hi.

Tua hi-a, Lai Siangtho tungah i lungsim puak le i simnopna tha in;
Pasian tawh kikhawlhna a khantohna dingin thupi hi. Paul in **1**
Thess. 2:13 sungah koibang in gentel hiam?

Pasian' Thu i up ciangin ei sungah na hongsem hi. Lai Siangtho bu nahon ciangin, tua laimaite ah Pasian in nang tungah hong gennop khat om hi cih na upleh, Amah'n hong hopih takpi ding a nangma nunna sungah na hong sem ding hi. Cihte hang tuate in nangma' upna leh lam-etna tungah kinga uhhi. Lungdamthu khat panin, na upna a neu a, ankamtang (*Luke 17:6*) ciahbek a phakphial hang, Pasian in khangsak thei veve hi (*Mark 9:24*).

Lai Siangtho' deihna lianpi khat in, eite leh Pasian kikhawlhna dinmun hong tha hatsak theihna ding in eite hong kihopihna ahi hi. Kha Siangtho a ding na lungsim kong hong in, kiniamkhiatna tawh Thu zuan lecin, nisim mahin kuama theihloh kalin kikheelna neizel in khantohna mah hiding hi. Ahihhang awlmawh mello khawngin mawhna peuh kemkem in kikheelnuam keileng Lai Siangtho simna in, ei a dingin hoihna tawmcik bek mah hong piangsak thei ding hi.

Kha Siangtho in Zeisu Khazih kiang naih dingin hong hanthawn den hi. A kinaizaw dingin i kalsuan nuam hiam? Tua cihleng "hotkhiatna ngah theihna ding pilna" (*2 Tim. 3:15*) nei ding hang a, muh ngeiloh nate zong mu ding hihang.

Lai Siangtho lam ka zuat laitak in ka lungtang leh lungsim dinmun in koibang hiam? Lai Siangtho mungtupe khawng keima ngaihdan peuh tawh zuun leltak ka hiam? Pasian in keimah hong thuhilhnap teng naupang bangin lungsim kihong in ka zuan hiam? Tua dawna bangzah in thupi hiam?

Ngaihsutbeh Ding: A beisa nai 24 sunga na pausa teng ngaihsun kik lecin na koici sittel tammaw? Itna, gitna, hoihna, nuamna, laptohna, patauhna, tawlina, lung hihmawhna, hehna, gensiat na leh huatna peuh ahi diam? Lai Siangtho in “lungsim sungah a omteng kampan ki pulaak hi” (*Matt. 12: 34*) cih. Lungsim sungah a ginalo omneunau teng kammal in hong paikhia uhhi.

Patauhna, tawlina, lunggikna, lungsim kikheelna, kisikna tawh kampaukhia ngeisa vive hihang. Mi khatpeuh it khaleng zong, itna in kammal in hong luangkha daudau pah hi. Pasion in lungsim sunga ombang hong veina bangin Thu hong paikhia hi. Pasion’ lungtang panin hong luangkha tua kammalte in eima lai siangthobu sunga om hithiat cih lamdang veve hi maw. Khang tawntung in Pasion’ kam mal’ vangliatna in uphuailo liangzah dong in muhsa ahi hi.

“Lai Siangtho pen lungsim lamlahna khatmah hi a, akhang khang in leitung nun dan tawh a kizawitawn den a kikheel ngeilo, a nungta Pasion’ kammal, tua kammal in i’ nuntakna, gamtatna, kampauna le ngaihsutna teng hong puahphatsak ahi hi. Hih ciangciang sangin a niamzaw liangin Pasion’ kammal i koihkhakleh anial hipeuh hi. Tua thunialna zongpen khangno hunlai pan kipan mahin, up mellohna le cihtak lohna hangmah hilel hi”—Ellen G. White, *Education*, p. 260.

Kikupding Dotnate:

- ① Na upna adingin a kituak a kizawitawn thute bangteng om thei hiam? Nang upmawh zah sangin a tamzaw diam?
- ② Lai Siangtho simna le thungetna pen, Pasion tawh na kikhawlh na ading dappah koi bangin hisakthei ding nahiam? Lai Siangtho simna le thungetnate omlo in Pasion tawh koi bang na kikhawl thei diam?
- ③ Khatpeuh in Pasion tawh a kikhawlhna thuksemsak nuam le, koi panin kipan simsak thei ding nahiam?
- ④ Topa’ kam pan hong paikhia thute koi bangin nuntakpih thei ding na hiam? (*Thkna. 8:3*). Nangma nunna sungah bang tawh kibang sa na hiam?
- ⑤ Anuai-a munteng in Pasion’ thu koibangin honghilh hiam? *Heb. 11:3; Late. 33:6; Matt. 11:4, 5; 1Thess. 4:16; Eph. 6:17; James 1:21.*

Tomkaihna: Lai Siangtho pen nungta in vang’nei-a, tua simna in Pasion tawh i kizopna hong khangsak bulkip ahi hi. Leitung tangthu ah a lamdang Pasion vang’liatna tawh minamte le Ama’ kizopna thute hong hilh bek thamlo in—tu’ ni eite kiang kiniamkhiat takin hong om ahihnam hong pulaak hi.

Thong kiat Hun

Zeisu thu na gen hangin thong sungah kikhum ding na ngaihsun thei nai maw? Southern Asia-Pacific Division sung a kisel gam khat ah a sem Global Mission pioneer-te adingin hih pen thupiang ngeina khat ahi hi. Gam khat pen frontline workers-te nuntakna le nasepna humbitna dingin "veiled" kici hi. Global Mission pioneers-te pen thugen kaza nailo mi namte lakah upna nei thak pawlte phuan dingin kisawl mite ahi uhi.

Tu nai lamin, pioneer khat a hi Chong le tualsung conference zum makaipa ahi Peter-te in hih gam mial lam ah pawlpi thak phuan mite tawh kimu dingin pai uh hi. Chong le Peter in pawlmitte tawh nitak an a nek laitak un, Zeisu kiang ah a nuntakna uh pia innkuan thum thu za uh hi. Dawi biakna vante uh mei tawh hal dinga a kiginkholh lam uh Chong in a zak ciangin, tua nitak mah in amau va hawh ding thukimna a nei hi.

Chong, Peter, le pawlpi mi khenkhatte innkuan thumte' inn lam zuan-a a pai laitak un, pawlpi mi khat in a innkuante in Zeisu thu a theihnopna thu a gen hi. Tua ahih manin, pawlpi in innkuante kiang a tun ma-un, lungdamnathu abeh aphungte vahilh dingin a inn-ah va hawh masa hi.

A tawpna ah, amau pawl in innkuan thumte' inn tungta uh hi. Zan a sawt khinta hi, ahi zongin mite' maitai na in Chong' lungsim lawng a, amau' hanciamna in a kha tha thahatsak hi. Meiphual gei-ah a kikhop laitak un, Peter in Chong pulak a, Zeisu kiangah a kipiakhia dingte huh ding a hihna mipi-te kiangah gen hi.

Ahi zongin tua innkuante in Chong' huhna a kisam dingin kilang lo uh hi. "Zeisu tungah ka lungsim uh pia dingin ka kiging khin uh hi," ci-in innkuan upa pen in a gen hi. Zeisu makaihna tawh khuavak sungah i kalsuan ding hi; leitung kha te hilo hi. Chong in innkuante tawh a kiho laitakin, pasal khat khan sungah tha khatin hong lut a, beh makaipa' inn ah Chong in a zuih nading thagum tawh sawl hi.

Tua nitak lamin, Peter le pawlpi mite in Chong tawh kisai thuthang ngak dingin amau biakinn ah kileh kik uh hi. Hun a sawt semsem ciangin, beh makaipa tawh kikhopna sawt luatna hangin lungnuamlo uh hi. A tawpna ah, Chong pen beh makaipa' inn ah kikhumcip hi cih amau thei khia uh hi. Zan sungin pawlmi te'n Chong adingin thu ngen uh a, makai te'n amah suahtakna ding kilemna bawl sawm mahleh, amau hanciamna khempeuh lawhcing lo hi. Tua thu tawh kisai thudotna kipat cil lai-in, amah kikhumcipna mun ah kipaipih a, tua mun ah kikoilh hi.

Pasian' geelna tawh, ni li khit ciangin Chong kikhahkhia hi. Tu-in, amah thong a kiatna khua-ah SDA a suak mi 100 val omta hi. Chong in Zeisu thugenna pan a khawl sangin, thong sung omding a khensat zaw hi.

Langpanna nasia tak om mahleh, Pasian nasepna khangto semsem hi. Zeisu adingin pawlpi thak phut dingin amau bit nading lauhuai lakah a kikoihite Global Mission makaite adingin thungetna hong nei sak un. Na cihtakna in amau nasepna lenkip hi.

Khen I: A Huamin Etna

Thubulphuh: *Hebrew 4:12*

Lungngaih Ding: *2 Tim. 3:15–17, John 17:17, Eph. 1:13, Late. 119:11, 1 Cor. 2:14.*

Lai Siangtho' pan'laakna bulpi pen kha thu ah i neih nading deihna hi. Israel te'n tua pen gam sungah gilkiial dangtak in a om laitak un sinkha uh hi: "Mite, an bek tawh nungta loin Topa' kamsung panin a pusuak thu khempeuh tawh nungta hi, ci-in note hong theih sakna dingin, amah in note hong niamkhiatin hong gilkiialsak a, note hitaleh napu napate uh hita leh in a theih ngeiloh manna tawh hong vak hi." (*Thu. 8:3*). Zeisu zong gam sung ah gilkiial dangtak in a om laitak in dawimangpa kiang ah tua mah na dawng hi (*Matt. 4:4*). Peter in zong Pasion' thu pen naungekte tha a nei sak nawizu tawh na saikaak hi: "na khantoh theih nading un" (*1 Pet. 2:3; Heb. 5:13 tawh saikaak in*). Tua Lai Siangtho munte in Pasion' Kammal panin khalam khantoh nading bang cih kul hiam cih hong hilh hi. Pasion Thu i kan ciangin i kisapna i tel' kul hi. Gilkiial, dangtak kul hi, tua lo-in kha an kiduhlo ding hi. Bangmah lemlawhlo lai ding hi.

Hih i sinna ah kha khan'toh nadingin thu thupi nih ending hi hang: Pasion kammal in ei (1) bang hangin, (2) bang cih thapia hiam. Tua thu 2 Timothy 3:14-17 bulphuh in ending hihang. "Bang hangin" cih dotna khat na in nun'takzia a hong kheel Timothy Nihna bu Lai Siangtho zia zui-in hong kansak hi. Dotna nihna "Bang cih" in Lai Siangtho kan zia ding hong phah hi. Tua kanziate in ei' tung ah Pasion kammal in na hong piang sak ding hi.

Khen II: Hilhciaanna

Lai Siangtho ii "Bang hangin" Thu. Lai Siangtho pen bang hangin nuntakna gau nei a hiam? Paul in hih thu ah thu nih gen hi. Khatna ah, Lai Siangtho' zia le sian'thona Paul' muh dan hi. Nihna ah Paul' laigelh a sim kha te tung ah nuntak kikheel theih Lai Siangtho' huzaap thu hi, Timothy (*2Tim. 3:16*) pen Paul in "Pasion mipa" na cilai hi (*2Tim. 3:16, 17*).

1. Lai Siangtho' hoihna. Lai Siangtho ci-a kikaikhawm laibute pen "siangtho" kici masa hi. "Lai Siangtho" (Greek: *hierra grammata*) kici Pawl zat kammal pen Thuciam Thak sungah hih mun bek ah dawk hi. Hih pen kihumop hi ci-a kingaihsun tanglai Judah laite ahi *Torah sebbiktav* "Thukham kigelhte" phawk sak hi. Paul in tua kammal tawh Thuciam Lui a genna hi.

Paul ading in tua Thuciam Lui bek ah Lai Siangtho in sim hi. Tua hun in ah Thuciam Thak om nailo hi. Tua laite “siangtho” hi kicihna pen “Pasian in muam hi” ci-in kingaihsut man hi. Pasian in mihing bawl-in “a nak’ pan in nuntakna huu muam” (*Pian. 2:7*) na ah tua verb mah kizangh hi. Hih dan in Lai Siangtho kisan’ muh na pan in Paul in Lai Siangtho in ei hong lawng hi aci hiveklo-in Lai Siangtho kanzia ding zong hong gen hi.

2. Lai Siangtho’ hong lawn’na. Lai Siangtho kigelh dan le mihing bawl dan pen tuakpak-a piang hilo hi. Pasian thubu pen *nuntakna* hi cih nopna hi. Tua hi-a Adam in Piangsakpa’ kiang pan nuntakna a ngah bang in Lai Siangtho a sangte tung ah nuntakna kitun hi. Paul in Kha Siangtho in “pilna hongpia” ci hi (*2 Tim. 3:15*). Paul in Lai Siangtho a sangte in mitphial bangin pil pah lua ding aci hilo hi. Paul in ama gen pilna pen Zeisu Khazih upna tungtawn in kingah ding hi ci-in gen hi. Paul in aneu 15 teh ciimna in thu um pa tung ah nam li sem hi ci hi.

- Lai Siangtho’ sep khatna pen “thuhilh nading” hi. Lai Siangtho in thumaan thutak hong musak, telsak hi.
- Lai Siangtho’ sep nihna pen “mawhna kiphawksak nading” hi, hi pen upna thu bek ah hilo-in i luheek nate ah khialh khakte phawk sak cihna hi.
- Lai Siangtho’ sep thumna pen “kibawlphat nading” hi. I khialhnate phawkna pen kicinglo hi; koi cih kheel ding; khensat ding cih zong telloh phamawh hi.
- Lai Siangtho’ sep lina le a tawpna bel “dikna thu ah kipattah nading” hi. Lai Siangtho in a tawpna ah Kha Siangtho panpihna tawh kisikkik sak, thu mang sak hi. Paul in Lai Siangtho’ mungtup pen mi khat kikheel cip nading hi ci hi. Paul in thu pen teeng sak kul hi cih tawh khup hi. Tua bangin ah Lai Siangtho in “na hoih khempeuh” a sem thei dingin hong picing sak hi (*2 Tim. 3:17*).

Lai Siangtho lam naihna. Lai Siangtho in tuate bangei piangsak in i din mun lui pan in “na hoih khempeuh” a semding in hong mapi hiam? Hih thu tel nadingin Timothy tung ah Paul thuhilhna panin Lai Siangtho lam naih zia nam li en ni.

1. Lai Siangtho buppi. Lai Siangtho munte lam naihna ah amasa pen le a bul penpen amau “sian’thona” le humopna thu hang hi. Paul in Lai Siangtho *bup* pen hu kimuam ci hi. Hih lam naih zia pen Pasian’ pulaakna i kan i san na ah Lai Siangtho bup pen ul tung sak ding cih thu hi. Paul kampau in Lai Siangtho pen thumaan thutak kanna ah lam hong hilh ding in muan huai-in nuntak pih dingin gen-a Lai Siangtho a kan dingin hong

lawp sak hi. Lai Siangtho sung a thute pen thupi tuam deuh cih omlo a kikim vive hi. Lai Siangtho bu khempeuh a sim huai vive hi. Hih tak-a Paul' gen lam naihia pen Lai Siangtho siamte lak ah “*canonical approach*” ci uh hi. Cih nopna ah Lai Siangtho mun khat pen Lai Siangtho mun khat pen Lai Siangtho mun dang tawh en khawm ding cih na hi (intertextual principle zong kici hi).

2. Sin ding theih ding. Paul in thu sinna le theihna man nei sak hi (2 *Tim. 3:14, 15*). Tua huhau-in Lai Siangtho thusim lohna, sim zualnate pen tu lian bek hilo-in tawntung hotkhiatna thu ah hong su mahmah ding hi. Hih gi sung panin Paul in a sin a thei dingin hong khal'na pen thu Lai Siangtho pen kan taktak un cihna hi. Ellen G. White in hih bangin gen hi: “Lai Siangtho kan ding a thupit' lam ki-awlmawh khalo hi. “Pasian hu mop tawh kikiap' “hotkhiatna ngah nading-a hong pil sak, Pasian mipa pi'cing-a na hoih khempeuh tawh a kigingkhoh'sak Lai Siangtho pen i zah taak mahmah ding laibu hi. Tungtham theihna ciang tawh i lungkim ding hilo hi, a deihna a cingin kan loh phamawh-a thuhilhinate lung ngaih kul hi”—*Advent Review and Sabbath Herald*, Oct. 9, 1883.

3. Cihtakna. Timothy tungah a sinsa thute “a zui suak” dingin Paul' hihna ah (2 *Tim. 3:14*) Ama thu ah “a kipsuak” dingin Zeisu' gen mah (*John 8:31*) na gen kik hi. “Kizom suak” Greek kammal verb *menō* mah tua Lai Siangtho mun nih ah kizangh hi. Thuman thutak pen khat vei bek kan tawh kicinglo hi, kan kikkik kul hi. Hebrew mite'n “thu khat thei-in a kan kikkik lote pen khaici vawh in an a la khalo lo neipa tawh kibang hi” cih paunak nei uh hi. “Neutung-a” (2 *Tim. 3:15*) kipan-in sih dong-a zop suak ding naseppen Timothy ahi-a Khristiante aa ding in zong khat vei thu hilo hi. Pasian' thu ah a zom suak dingin Paul' hanthotna pen mumal neilo thu le upna thubulte ah awk un cihna hilo hi. Tom kaal lawp pakna zong hituanlo hi. Pasian' thu sung ah om in nuntakpih dingin Paul in Timothy sawl hi. Jame in upna le sepkhiatna thu a suutna ah zong tua zawi mah zui hi (*Jame 2:14-26*).

4. Siate' muibutna. Pasian thumaan thutak pen ei' thu tawm in kilam naih theilo hi. Thumaan thutak pen mangmuhna tungtawn in kipia ahih manin Lai Siangtho gen bangin hih thupen maan mahmah hi ci-a thumaan a sang khinte' tecipan'na zong kisam hi. Tua huhau mah in ei pen thu honghilh ding siate kisam hi hang. Isarael gam kiphut cil pek panin Pasian in a tate uh thuhilh sak hi (*Thu. 6:7*). Paul in Timothy kiang lai a khakna ah “kua tung pan a na sin” (2 *Tim. 3:14*) a cihteh tua sawlna hem gen hi. Paul' lungsim ah bel Timothy' nu Eunice, a pi Lois le amah ngaih pen Khristian te lak-a “teci tampite” dingin kingaihsun hi (2 *Tim. 2:2*). Paul' thuumna pen a pate, a siate tung ah kinga sangnaupangte, naupang

te bek acihna hilo-in amau theih a hilhsawn ding nute pate, siate tung ah zong a thuumna hi.

Khen III: Nuntakna-ah Zatpah Ding

Siate ading. Lai Siangtho’ hilhna i nuntakna bangci bangin teeng sak tak pi i hiam? Anuai-a kigente pen i teen’ sak theih nadingin hong huh ding hi. “Ngaihsut ding” cih thulu-a kigelh pen khat simsak in. Tua khitteh hong pai ding nipi kaal sung ah a nuntak pih ding un thapia inla Sabbath kikteh gen sak in. Amau gamtatna in Lai Siangtho bangci telsak zaw-a Topa tawh kinai sak zaw hiam cih gen sak in.

Ngaihsut ding: Lai Siangtho hilhte kikhial thei lua hi. Lai Siangtho gen bangin omna pen Pasian’ kammal ei zongsatna tawh a lem dingin hei thei hi cihna hilo hi. Lai Siangtho gen bangin omna pen Lai Siangtho’ hilhna bangin zui ding cihna hizaw hi.

Gamtatding 1 na: Nisim ki-apna: Zingsang biakpiakna ah a kaal bangin Lai Siangtho mun khat bulphuh in. Tua in bang honghilh hiam? Thu ngaihsun beh in.

Gamtatding 2 na: Lai Siangtho lutngah in: Kha simin na lutngah ding Lai Siangtho teel in.

Gamtatding 3 na: Hilhin: thu theih theih nading lampi hoih pen pen Lai Siangtho na kanna pan-a na muh khiatte na innkuan pih nu/pa, na lawmte tung hop sawnna hi. Lai Siangtho thu na theih thakte na genpih theih ding khat zong in.

Gamtatding 4 na: Thumang in: Lai Siangtho lutngah bek pen kicinglo hi. Athupi pen bel zuih ding man’ ding thu hi. Zeisu’ cih dan mah hi: “hih thute thei in na zuih uhleh thupha na ngah ding uh hi” (*John 13:17*). Lai Siangtho na sim, na kan ciangin na nuntakna ah a ciing thei dingin Kha Siangtho kiang ah ciimna ngen in.

Ciaptehding:
